

**Ключевые слова:** средневековая армянская философия, этика, свобода воли, разум, Иоанн Воротнечи, человек, душа и тело, мораль, добро и зло, ответственность.

## THE ISSUE OF FREEDOM OF WILL IN HOVHAN VOROTNETSI'S ETHIC

Anush Minasyan

*Candidate of Philosophical Sciences,  
Senior Researcher of the Institute of Philosophy,  
Sociology and Law of NAS RA*

### SUMMARY

Hovhan Vorotnetsi (1315-1388) regards the ethic or the discipline about virtues as a constituent part of practical philosophy, which studies the sphere of morality, i.e., the phenomena, which are considered by practical reason or contemplation, and conditioned by the free will of a person. The freedom of will, as Vorotnetsi views it, implies that man's activity, actions and behavior are neither predefined or predetermined, but rather the outcome of man's conscious, free choice. Man's "self-will" is provided by its intelligence. Endowed with intelligence and free will, man is responsible for his/her actions. Hovhan Vorotnetsi regards man's "self-will" or the freedom of will as an inherent attribute of human nature, a distinctive feature, ought to which man acts as a moral creature.

**Key words:** Medieval Armenian philosophy, ethic, freedom of will, intelligence, Hovhan Vorotnetsi (John of Vorotan), man, soul and body, morality, good and evil, responsibility.

ԻՇԽԱՆՈՒԹՅԱՆ ԱՂՔՑՈՒՐԻ, ԶԵՎԵՐԻ ԵՎ ՊԵՏԱԿԱՆ  
ԻՆՔՍԻՇԽԱՆՈՒԹՅԱՆ ՓԱՍՏԱՐԿՈՒՄԸ ՄԽԻԹԱՐ ԳՈՒՅ «ՀԱՅՈՑ  
ԴԱՏԱՍՏԱՆԱԳՐՈՒՄ»

Լիլիթ Սարվազյան  
Փիլիսոփայական գիտությունների թեկնածու, դոցենտ,  
ՀՀ ԳԱԱ Փիլիսոփայության, տցիոլոգիայի  
և իրավունքի ինստիտուտի ավագ գիտաշխատող

Հայ միջնադարյան իրավաբանագրական մշակույթի պատմության  
մեջ եական ներդրում ունի փիլիսոփա, աստվածաբան, օրենսգետ,  
և եղեղեցական և հասարակական-քաղաքական գործիչ Սիմիթար Գոշը

(մոտ. 1130-1213): Նա թողել է գրական հսկայական ժառանգություն, Կիրակոս Գանձակեցու արժեվորմամբ՝ «...Զիրմարձան իմաստախոնքքը՝ ուստիմնասերների օգոսի համար»<sup>1</sup>: Դրանք են՝ «Երեմիայի մարզարեության համառոտ մեկնություն», «Ոյք մեր էության մասին», «Ուղղափառ հավատի հայտարարությունը՝ ընդդեմ հերձվածողների», «Շարք հայրապետացն Աղվանից» («Աղվանական Քրոնիկոն»), «Առակներ» և այլն: Գոշի գլուխգործոցը «Գիրք Դատաստանի» («Դատաստանազիրք Հայոց», 1184) աշխատությունն է, որն առաջնակարգ տեղ է գրավել աշխարհի օրենսդրական ճանաչված հուշարձանների շարքում:

XII դարակեսին հայ ժողովրդի իրավագիտակցության մակարդակն այնքան բարձր էր, որ ըմբռնել է աշխարհիկ-քաղաքական օրենքների անհրաժեշտությունը՝ ապահովելու ազգային դատավարական ինքնուրբությունը: Հայունի է, որ մահմեդական տիրակալները քրիստոնյանների ներքին գործերն իրենց օրենադրությամբ չեն քննում: Ներսես Լամբրոնացու վկայությամբ՝ Գրիգոր Դ. Տղայի հայրապետության (1173-1193) օրոր «...քաղաքների ու գավառների բնակիչները նորին սրբազնությունից աշխարհիկ օրենքներ խնդրեցին», բայց «հայոց մեջ՝ ո՞չ եկեղեցիններում, ո՞չ էլ իշխանների մոտ, չգտնվեցին աշխարհիկ օրենքները»<sup>2</sup>: Կաթողիկոսական պահոցներում առկա էին միայն կանոնական օրենքներ: «Դատաստանազիրքի» ստեղծումը պայմանավորված էր տվյալ պատմաշրջանի իրավական ու քաղաքական իրողություններով<sup>3</sup>: Բուն Հայաստանում և Կիլիկիայում հայ ժողովրդը ազգային-ազատազրական պայքար էր մղում՝ վերականգնելու քաղաքական անկախությունն ու ազգային պետականությունը: Ուստի՝ «Դատաստանազիրքը» կազմվեց որպես հայկական ապագա պետության օրենսգիրք:

Միսիքար Գոշի օրենսդրական գործունեության հիմքում Հայաստանի իերեիշխան, կենսորնացված պետականության գաղափարն էր, որի

<sup>1</sup> Կիրակոս Գանձակեցի, Հայոց պատմություն /Թարգմ., առաջ. և ծանոթ.՝ Վ. Առաքելյանի, Եր., 1982, էջ 161:

<sup>2</sup> Տես՝ «Քաղաքային Օրենք Ներսիսի Լամբրոնացւոյ ըստ Կոստանդիանոսի, Թէոդոսի եւ Լեոնի թագաւորաց Հռովմայեցուց», Առաջարան, Պարիս, 1907, էջ 5:

<sup>3</sup> Դատաստանազիրքը գրելու 12 պատճառները Գոշը մեկնաբանում է «Դատաստանազիրքի «Աշխարհության» Բ գլուխում: Տես՝ Միսիքար Գոշ, Գիրք Դատաստանի /Աշխատ.՝ Խ. Թորոսյանի, Եր., 1975, էջ 2-5:

իրականացումը ենթադրում էր մի շաբք հիմնահարցերի լուծում. ներազգային ուժերի համախմբում, կազմալուծված զինված ուժերի միավորում, տեղական իշխանությունների համագործակցում, անջատողական-կենտրոնախույս քաղաքականության չեղքացում, արդարության սկզբունքով միջազային հակասությունների մեղմում, սոցիալական ներդաշնակության հաստատում, հոգևոր-բարոյական գաղափարախոսության ագրեցության ծավալում և այլն: Այս խնդիրներն արտացոլված են «Դատաստանազորում», որոնք փիլիսոփայական ու իրավական հարթության վրա լուծեց հանձարեղ մտածողը:

Հիմնվելով Աստվածաշնչի վրա՝ Միհիթար Գոշը իշխանության աղբյուր համարում է Աստծուն, Աստվածային կամքը, Նախասահմանությունը, քանզի «...չկայ իշխանութիւն որ չէ Աստուածանից. եւ ներկայ իշխանութիւններն Աստուածանից են կարգուած» (Հոռվմ., Գլ. ԺԳ, 1-2): Միաժամանակ՝ օրենսգետը հաստատում է ազգերի քաղաքական ինքնակազմակերպման, ինքնակառավարման, իրավունքները: Ազգային քաղաքական համակարգում Գոշն առանձնացնում է իշխանության երկու կառույց՝ *պետուական (աշխարհեկ)* և *եկեղեցական (նոգուր)*: Իշխանության բաժանման սկզբունքով պետք է ապահովվեր հայոց պետականությունն ու դրա հաստատունությունը՝ ընդորկելով ազգային կեցության բոլոր ոլորտները: Պետությունն ու Եկեղեցին այն հիմնասյուններն են, որոնց վրա հիմնվում է ազգը՝ որպես քաղաքական իրողություն:

Գոշը պետությունը պատկերացնում է որպես թագավորություն (միապետություն): Իրազեկ լինելով ազգային պատմությանը՝ նա պաշտպանում է *կենտրոնացված թագավորական իշխանության* գաղափարը: Ըստ մտածողի՝ թեև պետություն չկա Հայոց աշխարհում, բայց «...նուում ենք թագավորների կանոնակարգը... հանուն պատշաճության»<sup>4</sup>: Ու թեպետ շատերը ծաղրում են՝ հայոց պետության չգոյության պատճառով, սակայն պետք է հիշել, որ «...ամենայն երկրաբոր թագավորություն անցավոր ու փոփոխական է, առավել ևս մեր թագավորությունը եղավ, քանզի անցյալը [թագավորությունը] մեջտեղում [այժմ] չկա... ապագայում էլ չեր

<sup>4</sup> Միհիթար Գոշի «Դատաստանազիբ Հայոցը» // Ակադեմիա Ռ., Հայ իրավական մտքի գանձարան, Գիրք 1, Եր., 2001, հոդ. 2, էջ 392:

ունենա, բայց ձևակերպելով եմ իոդս կատարում և [օրենսդրական] առաջարկությունս ջանում եմ ամբողջական պահել»<sup>5</sup>:

Հարկ է նշել, որ «Դատաստանագիրը», միտված լինելով համազգային շահերին, նպաստում էր հայ ժողովրդի ինքնապահանման ու քաղաքական ինքնորոշման գործընթացներին: Միջնադարի հայ մտածողները մշակել են *ազգային ինքնիշխանության և պետության ինքնիշխանության* (իշխանության գերակայության՝ սուվերենիտետի) ուրույն հայեցակարգ, որը համապատասխանում էր հայ ժողովրդի ազգային գաղափարախոսությանն ու ազգային ազտագրական պայքարի պահանջներին:

Գոշը երկրի անկախությունը պատկերացնում է ինքնիշխան ուժեղ պետականությամբ, որը կապվում էր պետության գլխի՝ թագավորի անձի հետ: Ինքնիշխանությունը հիմնավորելու համար նա հաստատում է. «...տիրապես Աստված է միայն թագավոր, և մարդիկ միայն անվանակիրներ են, և ոչ թե ծշմարիտ [թագավոր] (ընդգծումը. - Լ.Ս.)»<sup>6</sup>: Թագավորը կարգվում է Աստծոց, և միայն Նա կարող է փոխել նրան: Այսինքն՝ թագավորն Աստծո փոխանորդն է երկրում և կառավարում է Աստծո պատվիրաններով ու ընդօրինակելով Նրան:

Գոշը սահմանում է «թագավոր» հասկացությունը՝ երկրային (աշխարհիկ) իմաստով. «...թագավորներ անվանվում են նրանք, ովքեր տիրում են իրենց ողջ ազգին և այլսայլ հարկեր են գանձում այլ ազգերից, իսկ եթե ոչ՝ ապա [իրենք] չեն հարկադրվում» («...թագավորը այնորին անուանին, որը ազգաց իրեաց տիրեն համանազամյն եւ յայլց հարկս առնուն յազգաց, եւ եթե ոչ՝ ոչ հարկիցին»)<sup>7</sup>: Այս սահմանման բովանդակությունից բխում է, որ թագավորը՝ ա) օժնված է գերիշխանությամբ, բ) պետության գլուխն է՝ ազգի գերազույն ներկայացուցիչ-տերը, զ) այլ ազգերից հարկ է գանձում, դ) եթե ուրիշներից հարկ չի վերցնում, համենայնդեպս՝ ինքը հարկատու չի դառնում: Ժամանակի ընթացքումների համաձայն, այս հատկորոշչները բավարար էին՝ թագավորի իշխանությունը համարելու գերակա<sup>8</sup>:

<sup>5</sup> Նոյն տեղում, էջ 399:

<sup>6</sup> Նոյն տեղում, էջ 392:

<sup>7</sup> Նոյնը: Տես նաև՝ **Մխիթար Գոշ**, Գիրք Դատաստանի, Գլ. Բ, էջ 28:

<sup>8</sup> Ինքնիշխանաթյան ազգային և եկոպահական ընթացքների վերլուծությունը տես՝ **Միրումյան Վ.**, Քաղաքական ուսմունքների պատմություն, Եր., 2008, էջ 194-199, 240-241,

Տվյալ պատմաշրջանում Զաքարյան իշխաններին կոչում էին **թագավոր, շահնշահ**, ինչը վկայում է, որ նրանց իշխանապետությունը, ըստ էռության, չի տարբերվել թագավորականից: Պաշտոնապես օծված չինելով թագավոր՝ Զաքարյանները որևէ երկրի հարկատու չեն, այլ հենց իրենք եին հարկ վերցնում ուրիշներից: Այս իրողությունը վկայում է Կիրակոս Գանձակեցին. Զաքարեն և Իվանեն «...պարսիկների ու արաբների կողմից զրավված հայոց շատ երկրամասեր խլեցին... Հարկատու դարձրին նաև Կարին քաղաքի սուլթանին», և «...նրանց քաջության համբավը տարածվեց շատ երկրներ, և շատ ազգեր, որը սիրուց, որն էլ երկյուղից, հարկատու դարձան նրանց»<sup>9</sup>:

Ուշագրավ է, որ Գոշը նշում է թագավորի ինքնիշխանության հատկանիշները՝ առանց գործածելու «ինքնիշխան» հասկացությունը: Մինչեւ Հայոց Հայրապետին առնչվող նույն հոդվածում գրում է. «Խսկ արքունիքում հայրապետը ինքնիշխան լինի նատելու, բայց ոչ արքան հայրապետի տանը» («Այլ յարքունիս ինքնիշխան լիցի հայրապետն նատել, այլ ոչ արքայ՝ ի տուն հայրապետի»)<sup>10</sup>: Ակնհայտ է, որ «Դատաստանազրբում» անվերապահ ճանաչվում է Հայոց Հայրապետության ինքնիշխանությունը:

Ինքնիշխան, ուժեղ, կենտրոնացված պետության կայունության ու հարատևման երաշխիքներից է **գահաժառանգման կարգը**, որի հիմքում հետևյալ սկզբունքն է. «Թագավորությունը սեփական է և անցնում է հորից որդուն»<sup>11</sup>: Ենելով ժառանգական իրավունքի ազգային ավանդակարգից, ժամանակի քաղաքական իրողություններից ու պետական շահերից՝ Գոշը սահմանում է գահաժառանգման ձկուն համակարգ.

**Ա.** Նախ՝ հաստատում է թագավորի ժառանգների իրավահավասարությունը. «Եթե... նա ունենա որդիներ և դուստրեր՝ հավասար և արդարացի բաժանի թագավորությունը [նրանց միջև]»: Բայցև «ծագմամբ թագավոր» որդին է:

291-292: Սաֆարյան Գ., Մխիթար Գոշի պետախրավական հայեցակարգը, «Փիլիսոփայությունը արդի աշխարհում», Գիրք III, Եր., 2013, էջ 19-120:

<sup>9</sup> Կիրակոս Գանձակեցի, Հայոց պատմություն, էջ 122-123:

<sup>10</sup> Մխիթար Գոշի «Դատաստանազիր Հայոցը» // Ավագյան Ռ., Հայ իրավական մտքի գանձարան, Գիրք 1, հոդ. 2, էջ 393: Մխիթար Գոշ, Գիրք Դատաստանի, Գլ. Բ, էջ 29:

<sup>11</sup> Մխիթար Գոշի «Դատաստանազիր Հայոցը», հոդ. 230, էջ 515:

**Բ.** Թեև պատշաճ է համարում **անդրանիկ որդու գահաժառանգումը**, բայց զիտակցելով պետության գլխի կարևորությունը երկրի կառավարման գործում՝ թագավորին պատվիրում է. «...թող առաջադեմ որդուն նստեցնի թագավորական աթոռին»: Իսկ անդրանիկին հարկ է համարում պատվել ընտիր ստացվածքով:

**Գ.** Եթե թագավորը եղբայրներ ունի, «...նրա որդիներին իրավունք չէ վերցնել թագավորությունը», այլ եղբայրների մահից հետո միայն որդիները կարող են գահակալել: Այս դրույթում նա նկատի ունի Զաքարյան եղբայրներին:

**Դ.** Եթե թագավորը դուստր ունենա, «...նրան ամուսնու հետ նահապետական տուն կարգի և [դուստրը] եղբոր [ստացվածքի] կես մասն ստուանա»:

**Ե.** Թագավորների մահից հետո «...որդու որդին ստանա աթոռը, և ոչ թե դստեր որդին»: Հակառակ պարագայում՝ դստեր ժառանգները օտար կիամարվեն:<sup>12</sup>

**Զ.** Եթե թագավորը որդի չունենա, այլ դուստր, «...թագը տա իր դստերը», իսկ եթե նա ամուսնանա՝ «...իր զահը ամուսնուն տալու իրավունք ունենա», բայց մահից հետո «...նրա զավակներն օտար կիամարվեն»:<sup>13</sup> Այս հարցում Գոշը հիմնվում է Աստվածաշնչյան օրենքների վրա (տես՝ Թուղ. ԻԷ, 8-11):

**Է.** Թագավորն իրավունք ունի կտակ կազմել և այն փոփոխել իր կենդանության օրոք: Եթե նա ժառանգ չունի իր տոհմից, «...իրավունք ունենա իր թագը օտարի տալու, բայց ոչ դաշտաներով [օտարի]: Իսկ եթե արքայական տոհմից լինեն ժառանգներ, «...ամենամերձավորները լինեն [թագաժառանգ]: Այս կանոնակարգը վերաբերում է նաև իշխաններին ու ազնվականներին, բայց «...թագավորեցնելը առանց հայրապետի կարգադրության չլինի»:<sup>14</sup>

Այդպիսով՝ զահաժառանգությունը պետք է կատարվեր ուղղակի՝ վարընթաց գծով արյունակից ժառանգներին. թագավորի որդիներից «առաջադեմին», եղբորը կամ դստերը՝ առանց վերջինիս որդիներին փոխանցելու:

<sup>12</sup> Միմիքար Գոշի «Դատաստանագիրը Հայոցը» // Ավագան Ռ., Հայ իրավական մտքի գանձարան, Գիր 1, հոդ. 2, էջ 392:

<sup>13</sup> Նույն տեղում, էջ 393:

Ըստ «Դատաստանազրբի»՝ թագավորի անձը սրբազան ու անձեռնմխելի է: Նրա՝ որպես պետական իշխանության գերագույն կրողի բացառիկ իրավունքներն են պատերազմ հայտարարելը, արտաքին հարաբերությունները կարգավորելը, քաղաքների, բերդերի, կամուրջների կառուցումը, աշխարհագիր անցկացնելը, դրամ հատելը՝ «Սատ օրենսգրքի օրենքների», մահապատժի դատավճիռը, ներման իրավունքը և այլն:

Գոշի հայեցակարգում ուրվագծվում է *ազգային իրավական պետության մողել*. երկրի բոլոր խավերը, այդ թվում՝ բարձրաշխարհիկ իշխանները, եկեղեցականները և նույնիսկ թագավորը ենթարկվում են որոշակի իրավանորմերի: Արքայի *պարտականություններն են՝ կառավարում արդարության սկզբունքով* («...ամեն պարագայում և ամեն գործի մեջ իրավունքով [թող] վարվի հավատացյալ թագավորը»), երկրի խաղաղության պահպանում, ներքին պառակտումների կանխում: Նա պետք է լինի Հայ առաքելական եկեղեցու անդամ, օրինակ վերցնի բարեպաշտներից, «...հեթանոս թագավորների օրենքով հարձեր չպահի, այլ օրինավոր ամուսնության մեջ լինի, քանզի նրան իշխանություն է [տրված] հայրապետի հետ ատյան ելնել»<sup>14</sup>:

Գոշը կարևորում է թագավորի *մարդասիրությունը*<sup>15</sup>՝ կոչ անելով զերծ մնալ բռնություններից, խուսափել սպանություններից՝ այլազգիների հետ պատերազմի ավարտից հետո «...միայն պատերազմի պատճառ [հանդիսացող] այլազգիներին [սպանի]: Եսկ եթե այլ երկիր պաշարի, պետք է նախ խաղաղության կոչ անի, միայն դիմադրության դեպքում դավադիրներին սպանի և մյուսներին հարկատու դարձնի: Քաղաքները, բերդերը թշնամուն մատնողի համար Գոշը սահմանում է մահապատճ, բայցև թագավորին հորդորում է. «...հանուն մեր օրենքների մարդասիրության՝ խրատի այս կամ այն ձևով, որպեսզի ապաշխարության հասնի և չկորչի...»<sup>15</sup>:

Պետության աստիճանակարգում ինքնիշխան թագավորին ստորադասվում են աշխարհիկ իշխանները, որոնց իրավունքներն ու պարտականությունները Գոշը սահմանում է՝ կնելով *կառավարման կենտրոնացման և տեղական մարմինների հարաբերական ապակենորոնացման սկզբունքներից*: Հասկանալով, որ Հայաստանի

<sup>14</sup> Նույն տեղում, էջ 393-394:

<sup>15</sup> Նույն տեղում, էջ 394:

քաղաքական առկա վիճակի պատճառներից են երկրի զինված ուժերի ցրվածությունն ու իշխանների՝ իրենց զավաններում ներփակվելը, նա քննադատում է այն իշխաններին, ովքեր անջատամտությամբ «...լաւ համարէին ի ստրկության կալ ամենայն ազգաց, քան թէ հնազանդել միմեանց և կեալ յազատության»<sup>16</sup>: Գոշը փորձում է իրավական հարթության վրա լուծել իշխանների կենտրոնախուս ձգուումները չեզոքացնելու խնդիրը, ինչն այդ ժամանակ հնարավոր էր միայն ստորակարգության սկզբունքով:

Օրենսգետը հստակ սահմանում է կենտրոնական և տեղական իշխանությունների իրավասությունները: Գերակա իշխանություն ունի միայն քազավորը: Նա է կարգում իշխաններին: Վերջիններս տեր ու տնօրեն են իրենց տիրույթներում. «Թազավորի [կողմից] իշխանին տրված զավառում, եթե ըստ նրա կառուցվի բերդ կամ առևտրի ավան, կամ որևէ նահանգի ավերակներ [վերաշինի], պետք է իշխանի ժառանգությունը համարվի»<sup>17</sup>: Ըստ որում՝ եթե իշխանը մեծ հանցանք չի գործում, ժառանգական իրավունքը նրա մահից հետո փոխանցվում է որդիներին՝ արքայի հրամանով:

Թազավորի բացառիկ որոշ իրավունքներից (քաղաքների, բերդերի, կամուրջների կառուցում, դրամի հատում և այլն) իշխանները կարող են օգտվել միայն արքայական կարգադրությամբ: Նրանք իրավունք ունեն պատժել գողերին, բայց առանց թազավորի հրամանի՝ իրավունք չունեն մահապատժի ենթարկել մարդասպաններին: Իշխաններին արգելվում է առանց դատավճռի պատժել կամ տուգանել աշխատողներին: Պատժել թույլատրվում է, եթե «...տերության հանդեպ հանցավոր գտնվի, այլ բաններում հանցավոր եղողներին թող դատավորները վճիռ կայացնեն»<sup>18</sup>: Պատերազմի ժամանակ զիսավոր ավարը՝ ոսկին, արքային է, իսկ արծաթը՝ իշխաններինը, պղինձը, երկաթը և այլն՝ գորքինը: Գերիների ու ավարի կեսը թազավորինն է, մյուս կեսը՝ գորքինը: Թազավորն ու իշխանները պարտավոր են տասանորդ տալ եկեղեցուն:

Գոշը սահմանում է **աշխարհիկ պաշտոնականությունները**. արդարացի կառավարում՝ ըստ օրենքների, շափավոր հարկերի սահմանում. «Բնակիչները արհեստներով կամ առևտրով պետք է հարկադրվեն, քանզի քրիստոնյաներին զիսահարկ

<sup>16</sup> Հայոց նոր վկանները. /Աշխատ.՝ Հ. Մանացամի և Հ. Աճառյամի, Վաղարշապատ, 1903, էջ 24:

<sup>17</sup> Մխիթար Գոշի «Դատաստանագիրը Հայոցը», հոդ. 2, էջ 398:

<sup>18</sup> Նոյնին:

Հկա, զիսահարկը այլադավաններինն է, եթք բոնությամբ հարկատու են դարձվում»: Ըստ Գոշի՝ թագավորն ու իշխաններն ունեն հողի և ոչ ջրի իրավունք: Հարկերը տարբեր չափով են սահմանվում քրիստոնյաների ու այլադավանների համար: Ուստի՝ «...իշխաններին վայել չէ այլադավանների նման, հարկել հավատացրողներին»<sup>19</sup>: «Դատաստանագրում» չափորոշված են տարաբնույթ հարկեր՝ անդաստանների, այգիների, պարտեզների, կենդանիների, ինչպես նաև ջրօգտագործման համար:

Գոշը սահմանում է *իշխաններին ենթակա դասերի ստորակարգությունը*, ըստ որի՝ իշխանաց իշխանին ենթակա են իշխանները, վերջիններիս՝ ազնվականները, նրանց կ՝ շինականները: Յուրաքանչյուր դաս օժտված է որոշակի իրավունքներով և վերադասի ու պետության առջև պարտականություններով: Տարբեր պատիճներ են սահմանվում թագավորին և իշխաններին անարգողների նկատմամբ: «Եթե մեկը անիրավաբար թշնամանա թագավորների կամ իշխանների հետ՝ պատժի, եթե կրոնավոր է՝ կարգալույծ արվի, իսկ եթե աշխարհական է՝ մեկուսացվի»: ՎՃՌ իրավունք ունեն եախսկոպոսներն ու վարդապետները, «...քանի որ թագավորներն ու իշխանները Աստծո պատկերն են»<sup>20</sup>:

«Դատաստանագրում» աստիճանակարգությունն արտացըլվում է նաև *պատժի իրավունքի վերաբերյալ սահմանադրություններում*: Աստծոց կարգված թագավորներին պատժում է Աստված, ինչպես վկայում է Ս.Գիրքը: «Բայց իշխաններին, որոնց թագավորն է կարգում իշխան, թագավորն՝ իրավունք ունի և՝ արսորելու, և՝ պատժելու»: Այնուամենայնիվ՝ թագավորի իշխանությունն անսահմանափակ չէ, և Գոշը բացարձակապեսություն չի բարողում: «Եթե անիրաժեշտ լինի թագավորին պատժել՝ երկրի *խաղաղության* պահպանման համար, պետք է դա արվի մեկ այլ թագավորի և հայրապետի կամքով ու ամենայն արդարությամբ»<sup>21</sup>:

Գոշը զահընկեցության իրավունք ժողովրդի համար չի սահմանում, որովհետև դա այդ ժամանակ կարող էր հանգեցնել ներազգային խոռվությունների, իսկ նրա նպատակը ազգային միասնության հաստատումն էր: Բայցն չի ընդունում անօրինական դատաստանները՝

<sup>19</sup> Նույն տեղում, հոդ. 2, էջ 397-398:

<sup>20</sup> Նույն տեղում, հոդ. 50, էջ 419:

<sup>21</sup> Նույն տեղում, հոդ. 230, էջ 515:

նույնիսկ բարձրաստիճան իշխանների կողմից: Եթե իշխանները թագավոր կարգեն անարժան մեկին, պետք է նրանց արտորել: Ազնվականները կամ իշխաններն իրավունք չունեն «ինքնազլուխ... իրենք իրենց իշխան հռչակել», այս դեպքում թագավորն իրավունք ունի նրանց արտորել կամ պատժել: Իշխանաց իշխանն իրավունք ունի պատժել կամ արտորել նաև ազնվականներին, իսկ եթե «...նա կարգված է եղել նրանց (իշխանների) կողմից՝ նրանց միաբանական համաձայնությամբ անի այդ բանը»<sup>22</sup>: Իսկ եթե նա թագավորի կողմից է կարգվել, պետք է նրա կամքի համաձայն վարվի:

Ազատներն իրավունք չունեն պատժել զինվորներին, քանզի պատժելը իշխանների իրավասությունն է: Նմանապես՝ զինվորներն իրավունք չունեն գորողացիներին արտորել կամ պատժել, որովհետև արտորել կարող են ազնվականները, պատժել՝ իշխանները: Գոշը հաստատում է, որ թագավորական տան վերաբերյալ վճրուները արդարացի են:

**Համապետական օրենսդրական համակարգի ստեղծումը** ենթադրում է կենտրոնական իշխանության հետևյալ առանցքային գործառույթները. ստեղծել ընդհանուր իրավական համակարգ, ապահովել իրավանորմերի պարտադիր գործադրություն երկրի ողջ տարածքում: Համապետական օրենքները հավասարապես պետք է տարածվեն հասարակության բոլոր խավերի ու ազգությունների վրա: Բոլոր հպատակների բնական իրավունքները (կյանքի, անձի, արժանապատվության, ունեցվածքի և այլն) պետք է պաշտպանվեն օրենքով: Թեև Գոշը չի ընդունում մահմեդական կրոնը, որի հիման վրա օրինադրված օրենքներով բռնաճնշվում են քրիստոնյաները, բայցև պաշտպանում է մահմեդականների՝ որպես հայոց թագավորության հպատակների իրավունքները՝ իրավամբ որոշ խտրություն դրսութելով նրանց նկատմամբ:

Կետական ինքնիշխանությունը պետք է ամրապնդվեր՝ երկրում միասնական իրավակեցության հաստատմամբ: Ըստ Գոշի՝ առանձին զավառների տնտեսական ներփակվածությունն ու տեղական անջատողականությունը հաղթահարելու համար անհրաժեշտ է **եերքին տնտեսական քնտեանքություն**՝ որպես ժողովրդի համախմբման էական գործոն ու նախապայման: Դա ենթադրում է իրավական, մարսային

<sup>22</sup> Նույնը:

ընդհանուր համակարգ, միասնական առևտուր և ներքին ընդհանուր շուկա:

Դատաստանագրում սահմանվում են **առևտուրի միասնական չափանիշներ** ողջ երկրի համար. արգելվում է ավատական իշխանության սահմաններում մաքսի զանձումը, հաստատվում են միասնական չափ ու կշիռ, սննդամբերքի գների սահմանման իրավունքը վերապահվում է կենտրոնական իշխանությանը՝ որպես բացառիկ մենաշնորհ. «Վաճառքը քաղաքներում կարգավորվել է բազավորների հրամաններով կամ բազավորների թույլտվությամբ՝ իշխանների միջոցով, վաճառք կատարելու կարգուկանոն է սահմանվել թե՝ քաղաքներում, թե՝ պալաններում, թե՝ զավարների այլևայլ վայրերում։ Եվ առաջինը կարգավորել են չափն ու կշիռը՝ հորինելով նմուշներ»<sup>23</sup>: Ժողովրդի ներքին միասնականության երաշխիք Գոշը համարում է **ներքին ազատ շուկան՝ դատապարտելով խարդախտությունը, խարեւությունը, անօրինական գործարքները նշված ոլորտում:**

**Մաքսը** նույնպես կարգավորվում է բազավորական հրամաններով, իշխաններն իրավաու չեն մաքս վերցնել՝ առանց բազավորի հրամանի։ Գոշը հորդրում է մթերքի գները սահմանել՝ «ըստ տարվա բարեբերության կամ ըստ այլևայլ հանգամանքների»։ Գները կարող են փոփոխվել՝ բարձրանալ կամ իջնել միայն բազավորի և իշխանների հրամաններով՝ «...գների փոփոխումները հաղորդելով գավառապետերին և ժողովրդապետերին»։ Գների տատանումները պայմանավորվում են նաև գնորդների աղքասության կամ հարստության չափով։ Ուստի՝ «Իշխանները թող արդար հսկողություն հանդես բերեն՝ հաստատելով բարձր և ցածր գներ, որպեսզի մշակներն ու մյուս գործակալները, ինչպես վաճառականները, երկուստեր չգրկեն միմյանց», և «...դատավորներն եւ կարողանան, ըստ իշխանական հրամանների, քննությունը վարել ճշտորեն»<sup>24</sup>։ Այդպիսով՝ գների սահմանման Գոշի իրավական բաղաքականության հիմքում **արդարության ու առջևադական ներդաշնակության սկզբունքներն են:**

Օրենսգետը պատիժներ է սահմանում կողոպուտի, գողության, արգելված առևտուրի ու զանձումների, անօրինական դրամահատման, մաքսային չափորոշիչների խախտման համար։ Օրինակ՝ **արգելված**

<sup>23</sup> Նոյն տեղում, հոդ. 240, էջ 522։

<sup>24</sup> Նոյն տեղում, էջ 523։

**առևտրին** վերաբերող հոդվածում նշվում է. «Վաճառքի ենթակա չեն այն ունեցվածքները, որոնք տեղի եկեղեցին չի կամենում վաճառել...»: Գոշը նաև հրահանգում է. «Տեղին է և այս գիտենալ, որ եկեղեցական ինչըք այլ ազգերի չի վաճառվում, իսկ եթե վաճառեն, ապա այն, ինչը պիտանի չէ եկեղեցու համար և այն էլ նույն գնով (ընդգծումը. - Լ.Ս.)»<sup>25</sup>: Մեկ այլ հոդվածում դատապարտվում է խարդախությունը. «...եթե արատ, չար սովորույթ ունեցող կենդանին վաճառվի, այդ դեպքում ինչ վնաս որ հասցի, պետք է վաճառողը դատարանով հատուցի վնասը, որովհետև Օրենքը հրահանգում է այդպիսի անասունը վերացնել և ոչ թե վաճառել»<sup>26</sup>. Վերոնշյալ հոդվածներում ակնհայտ է օրենքների ազգային, բարոյացնիալական և առողջապահական ենթատերատր:

**Տնտեսական վերահսկողության իրավասությամբ՝** «[Թագավորները] կարգ են սահմանել՝ որոնել ու բացահայտել կողոպտիչներին, որպեսզի վաճառքի մեջ նենգություն չգործեն»: Խարդախները պատժվում են՝ ըստ իշխանների հրամանների: «Չափ ու կշռի միջոցով գողություն կատարողները պետք է քառապատիկը հատուցեն և խայտառակվեն հանդիմանվելով՝ ուրիշներին զգաստացնելու համար»: Ապօրինի դրամ (դահեկան) կտրողների ձեռքերը պետք է կտրվեն: «Մաքսը պետք է վերցնել օրինական կերպով», եթե այլ վայրերից են գալիս վաճառքի նպատակով: Գոշն արգելում է մաքսազանձումը ճանապարհի համար, ըստ նրա՝ «...կարելի է վարձ վերցնել, եթե թշնամինների են պատսպարել իրենց մեջ»<sup>27</sup>: Հանուն ժողովրդի բարեկեցության՝ նա նաև սահմանում է **հարկերի և տուրքերի կայուն ու որոշակի չափ**, քննադատում է վաշխառուներին, արգելում վաշխը, սաստում անօրինական պաշտոնյաններին՝ պատիժներ սահմանվելով չարաշահումների համար:

Հատ Խ. Թորոսյանի՝ «...ավատական հասարակության այն ուժերը, որոնք պայքարում էին տեղյանության, քաղաքական անջատողականության ու տնտեսական ներփակվածության դեմ, պայքարում էին հանուն քաղաքական ու տնտեսական միասնականության, հանուն ավատական արգելքներից զերծ ներքին ազատ շուկայի և այլն, պատմականորեն առաջադեմ ուժեր էին...»<sup>28</sup>: Գոշն իր ժամանակի Հայաստանի ներքին կեցության հակասական իրողությունների մեջ

<sup>25</sup> Նույն տեղում, հոդ. 142, էջ 454:

<sup>26</sup> Նույն տեղում, հոդ. 185, էջ 474:

<sup>27</sup> Նույն տեղում, հոդ. 240, էջ 522:

<sup>28</sup> Մխիթար Գոշ, Գիրը Դատաստանի, Առաջաբան, էջ Իթ-Լ:

նկատում ու արժեվորում է դրական միտումները՝ իր «Դատաստանագրքում» պաշտպանելով դրանք:

Հայաստանում միասնական իրավակեցության հաստատման կարևոր գործոններից է սոցիալական ներդաշնակությունը, ինչը հնարավոր է սոցիալական հարաբերությունների օրենսդրական կարգավորմամբ: Գոշը մի շարք իրավանորմերով փորձում է մեղմել հասարակության տարբեր դասերի, տերերի ու ծառաների միջև առկա հակասությունները, ներդաշնակել նրանց շահերը: Տերերին հորդորում է գործել օրենքի սահմաններում՝ ըստ **արդարության սկզբունքի**, գերծ մնալ կամայականությունից, «տեր կանգնել» ծառայողներին, կանինել վտանգներն աշխատանքի ժամանակ, վճարել վարձկանների վարձը և այլն: Իսկ ստորին խավերին կոչ է անում հնազանդվել տերերին, բարեխղճորեն կատարել պարտավորությունները, ժամանակին վճարել հարկերը և այլն: Գոշը հստակ սահմանել է սոցիալական յուրաքանչյուր խավի իրավունքներն ու պարտականությունները, որոնք պետք է անվերապահորեն կատարվեն:

«Դատաստանագրքի» նորմերը միտված են **մարդու արժանապատկության և իրավունքների պաշտպանությանը**, հասարակական բարօրության գաղափարի իրագործմանը, քանզի «...ոչինչ չկա [առավել] պատվական, քան հասարակական օգուտը»: Այնուհանդեռ, ինչպես հաստատում է Կ. Միրումյանը, «Ազգային պետականության բացակայության և օտար լծի առկայության պարագայում սոցիալական խնդրակարգը՝ իր ողջ կարևորությամբ, ենթարկվում է ազգային-քաղաքական ընդհանուր խնդրակարգին»<sup>29</sup>:

**Հոգևոր իշխանություն.** Հայկական քազավորության երկրորդ հիմնայունն ինքնիշխան ու անկախ Հայ եկեղեցին է, որը պատմական մեծ դերակատարություն է ունեցել ժողովրդին համախմբելու, ազգային-ազատագրական պայքարը կազմակերպելու, պետականության վերականգնման ու ազգային միասնության հաստատման գործընթացներում: «Դատաստանագրքում» շեշտվում է Հայ եկեղեցու **ազգային** բնույթը, այն ազգային գաղափարախոսությունը կրող ու քարոզող կառույց է: Գոշը միանշանակ պաշտպանում է հայադավանությունը, քանզի, ինչպես Խ. Թորոսյանն է հաստատում, «...օրենքն այն ժամանակ նաև կրոն էր,

<sup>29</sup> Միրումյան Կ., Քաղաքական ուսմունքների պատմություն, էջ 245:

իսկ այս վերջինը ոչ միայն ծես էր ու հավատք, այլև քաղաքական ինքնորոշման ու ազգային ինքնապահպանության հասու գենք»<sup>30</sup>:

Մինչև հայոց պետականության վերահստատումը Հայ եկեղեցին համազգային միակ կենտրոնացված կազմակերպությունն էր, որն ի գորու էր Հայաստանի տարանջատված մասերն ու առանձին իշխանապետությունները միավորել ազգային-քաղաքական գաղափարների շուրջ: Մահմեդական ցեղերի սպառնալիքի պարագայում Գոշը չի բացառում քրիստոնեական համերաշխությունը եկեղեցիների միջև: Սակայն այդ ընդհանրությունը մեկնաբանում է միայն որպես ազգային եկեղեցիների իրավահավասարություն՝ առանց որևէ եկեղեցու վարչական գերիշխանության: Մերժում է թե՝ հունամետությունը, թե՝ լատինամետությունը՝ պաշտպանելով ազգերի գաղափարախոսական, կրոնադավանական ազատությունը, նրանց ինքնակառավարման, սեփական պատմական ուղղու ընտրության ազատությունը: Ըստ Գոշի՝ դավանաբանական տարբերությունները չպետք է ազդեն ժողովուրդների հարաբերությունների վրա: Քրիստոնյա ժողովուրդները դավանանքով չեն կարող միավորվել, բայց կարող են նաև թշնամիներ չինել, իսկ քաղաքական հարթության վրա նույնիսկ լինել դաշնակիցներ<sup>31</sup>:

«Դատաստանագիրը» մտակառուցված է պետություն-եկեղեցի-ժողովորդ հարաբերակցության հենքի վրա: Բազմաթիվ սահմանադրույթներ արտացոլում են աշխարհիկ ու հոգևոր իշխանությունների, ինչպես նաև իշխանության ու ժողովրդի միջև հարաբերությունների իրավական կարգավորման եղանակները: Գոշը ձգտում է նորմատիվ բնույթ հաղորդել նշված հարաբերություններին, որոնք կազմում են ստեղծվելիք հայոց պետության պետական հիմքը:

Եկեղեցական դասը հոգևոր իշխանության կրողն է և պետք է գրադի հոգևոր ոլորտով, չմիջամտի պետական-քաղաքական գործերին: Աշխարհիկ իշխանությունը պետք է գրադի գուտ պետական-քաղաքական խնդիրներով՝ չմիջամտելով հոգևոր գործերին, չսահմանափակի եկեղեցու սեփականությունը: Օրինակ՝ «Իշխաններն իրավունք չունեն եղբայրների վրա կաշառքով

<sup>30</sup> Միհեար Գոշ, Գիրը Դատաստանի, Առաջաբան, էջ ԺԶ:

<sup>31</sup> Խնդրի վերաբերյալ մանրամասն վերլուծությունը տես՝ Միրումյան Կ., նշվ. աշխ., էջ 241-243: Միրումյան Կ. История политической науки. Средневековье. Возрождение. Реформация. Часть II. Ер., 2005, с. 308-310.

վանահայր նշանակել մարդու, որին նրանք չեն՝ ուզում: Եպիսկոպոսները կարող են հարցը կարգավորել, բայց ոչ՝ կաշառով, այլ օրենքով»<sup>32</sup>:

Այսպիսով՝ *իշխանությունների քաժանման սկզբունքով* Գոշը հստակ սահմանագատում է պետական ու եկեղեցական իշխանությունների իրավասություններն ու գործառությները՝ հարաբերական ինքնուրույնություն հաղորդելով դրանց: Միաժամանակ համազգային խնդիրներ լուծելու եղանակներն ու միջոցները հոգևոր և քաղաքական իշխանությունները քննարկում են միասնական խորհրդակցությամբ:

«Դատաստանագրքի» 225-րդ հոդվածում Սխիքար Գոշը սահմանում է «*Եկեղեցական և Աստվածային կարգը*». Եկեղեցին կարգավորվել է երկնային դասերի նմանողությամբ: Նա նշում է եկեղեցու ինք դաս.

1. *Հայրապետներ.* «...իշխում են աշխարհի չորս կողմերի վրա» և ձեռնադրում արքեպիսկոպոսներին:

2. *Արքայիսկոպոսներ.* Ձեռնադրում են մետրոպոլիտներին և պատրիարքներին:

3. *Մետրոպոլիտներ.* իրավասու են ձեռնադրել եպիսկոպոսներին, իսկ երեքով՝ նաև արքեպիսկոպոսներին:

4. *Եպիսկոպոսներ.* Ձեռնադրում են թեմերի առաջնորդներին, «...երեք եպիսկոպոս իշխանություն ունեն իրենց համար մետրոպոլիտ ձեռնադրելու:

5. *Քահանաներ, երեցներ.* քահանաները գործում են քաղաքներում, իսկ երեցները՝ զյուղերում և ազարակներում: Նրանք իրականացնում են եկեղեցական ծեսեր, «չնորիում խաղաղություն»: Եպիսկոպոսի թույլատրությամբ ձեռնադրվում են դպիրներ:

6. *Սարկավագներ.* քարոզում են ու սպասարկում ծեսերի ժամանակ: Կանայք ևս իրավունք ունեն ձեռնադրվել սարկավագ՝ կոչվելով սարկավագուհիներ: Նրանք քարոզում են կանաց, ընթերցում Ավետարանը: Գոշը նշում է. «Պետք չէ, որ կանաց սպասավորելը վարկաբեկի մի բան համարվի»<sup>33</sup>: Այն ընդունված էր դեռևս առաքելական կանոնական ավանդությներում:

<sup>32</sup> Սխիքար Գոշի «Դատաստանագիր Հայոցը», հոդ. 3, էջ 400:

<sup>33</sup> Նոյն տեղում, հոդ. 225, էջ 509:

7. *Դպիրներ*. սպասարկում են քահանաներին:
8. *Անազանոսներ*<sup>34</sup>, ընթերցվածներ կարդացողներ. նրանց պարտավորությունն է՝ քարոզել ու աղոթել և արգելել «անաժանների» մուտքը եկեղեցի:
9. *Սաղմոսերգուներ*. նրանց գործը սաղմոսներ երգելն է:
- Ակնհայտ է, որ եկեղեցական դասերի շարակարգն ընթանում է բարձրագույն դասից դեպի ցածրագույն՝ աստիճանական հերթականությամբ:

Հարկ է նշել, որ Դատաստանագրքի Ա խմբագրության **ՄԻԵ** (225) գլխում իններորդ դասի մեջ նշվում է նաև «պապ» անվանումը. «Իններորդ դասը փասդոր, որ են սաղմոս երգողը... Արդ, է յետ այս եւ այլ գործ հայրապետի, զոր եւ Փոանզք պապ անուանեն, կարգել եւ գրասս թագաւորաց» (տես՝ նաև **Գ.** խմբագրության նույն գլխում. «Իններորդ դասը վերագոյն քան զամենեսեան՝ պապիոս, որ այժմ կրցեն Ֆռանկը պապա... Եւ գործ է նոցա կարգել զորաս թագաւորաց...»)<sup>35</sup>: Ի դեպ, Ա. Էջմիածնի միաբանությունն այս խնդրին հասուկ անդրադառնալով՝ քննադատել է հոռմեադական հեղինակներին, ովքեր Գոշին վկայակոչում են՝ հաստատելու պապի գերիշխանությունը: Միաբանները հայտնում են, որ Ներսես Լամբրոնացու դասակարգած եկեղեցու աստիճանակարգությունը (ինը աստիճան) Գոշի «Դատաստանագրքում» միաբանների կողմից «այլափոխուած ու համառօտուած» է<sup>36</sup>: Բանն այն է, որ Լամբրոնացու մոտ 9-րդ աստիճանն է՝ «Երգեցողը կամ Սաղմոսսաաց», մինչդեռ «Դատաստանագրքի» ներմուծված հատվածում սաղմոսերգուին հաջորդում է պապը՝ իբրև «վերագոյն», ինչը հակասում է Հայ Կանոնական իրավունքին և եկեղեցական իրավագիտությանը:

Բնականաբար՝ *բացառում* է որ Գոշը կարող էր թույլ տալ նման թյուրիմագություն՝ օժնված լինելով եկեղեցական սահմանադրության լիակատար իմացությամբ և հայադական ոգով: Միաբանների համոզմամբ՝ «Դատաստանագրքի» որոշ հատվածներ կեղծել են միաբանները՝ նպատակ ունենալով, որ Հռոմի պապը Հայաստանում ճանաչվի «թագաւոր թագաւորաց և կայսր կայսերաց»: Սակայն բոլոր ժամանակներում հայերը միշտ մերժել են նման առաջարկները:

<sup>34</sup> Մխիթար՝ Գոշ, Գիրը Դատաստանի, Գլ. ՄԻԵ, Ա խմբագրություն, էջ 132, Գ խմբագրություն, էջ 400:

<sup>35</sup> Տես՝ Եկեղեցական դասակարգության Բարձրագոյն աստիճանները // Արարատ, Ի Ս. Էջմիածնին, 1870, էջ 221-229:

Հստ Գոշի՝ եկեղեցին պետք է կառավարի ճշմարիտ վճտոներով՝ երկնային կարգերի համաձայն: Ինչպես աշխարհիկ իշխանության պարագայում, նա կարևորում է հոգևոր աստիճանակարգությունը՝ վերից վար. ծագած «իմայիրների դեպքում վերջնական խոսքը պատկանում է նրան, ով պատվո աստիճանով ավելի բարձր է»: Եկեղեցին և կառավարում է կենտրոնացման և հարաբերական ազակենտրոնացման սկզբունքներով. «Յուրաքանչյուր ոք լոկ իր տիրույթում կարող է որոշումներ կայացնել զյուղերի, քաղաքների և քահանաներ օծելու վերաբերյալ, իսկ այլ տիրույթում իշխանությունների նկատմամբ իրավունք չունի... ձեռնարկել որևէ բան, եթե չկա մայրաքաղաքի եպիսկոպոսի որոշումը: Եվ ոչ էլ ինը՝ կարողիկություր, կարող է որևէ բան անել՝ առանց մյուս եպիսկոպոսների հետ խորհրդակցելու»<sup>36</sup>:

Այդպիսով՝ «Դատաստանագրում» վերահաստատվում է դեռևս Ազգային-եկեղեցական առաջին ժողովներով սահմանված խորհրդակցական սկզբունքը, որը կիրառվում էր ազգային կարևորագույն խնդիրներ լուծելիս<sup>37</sup>: Այս համատեքստում հատկանշական է Գոշի հորորորը. «Դեսք չէ զավաների եկեղեցիների վաղնջական ավանդույթները ենթարկել նորաձևության: Դա է հրահանգված վիճակներին, պաշտոնյաներին և ժողովրդին: Եվ եթե մի հայրապետ կամենա ավանդույթը փոխել, պարտավոր է դա անել ժողովով անլուանգ, ըստ օրենսգրքի» (ընդգծումը. - Լ.Ս.)<sup>38</sup>:

Եկեղեցին ունի իրավագործություն՝ մասնակցելու երկրի հասարակական-քաղաքական կարևոր հարցերի քննարկմանը: Ամենայն Հայոց Հայրապետը ազատ մուտք ունի արքունիք, մասնակցում է զահաժառանգի ընտրությանը, նրա համաձայնությունն անիրածեցու քաջագորին զահընկեց անելիս և պատժելիս:

Հանուն բարեկարգության՝ Գոշը կարևորում է եկեղեցականների ընտրակարգը: Թեմերի «...աթոռակալ [եպիսկոպոս] ընտրելու պատիվն ու շնորհը զիսակորինն է, այսինքն՝ կարողիկությունը, որոշիչ կամքը՝ մեծ ժողովինն է»<sup>39</sup>: Միարանության մեջ առաջնորդների հավանությամբ

<sup>36</sup> Միհրաք Գոշի «Դատաստանագիրը Հայոցը», հոդ. 157, էջ 460:

<sup>37</sup> Այս հիմնահարցի մանրամասն վերլուծությունը տես՝ Մարգարյան Լ. Խորհրդակցական սկզբունքը Հայ եկեղեցու կառավարման համակարգում. «Փիլիստիվայությունը արդի աշխարհում», Գիրք IV, Եր., 2014, էջ 43-58:

<sup>38</sup> Միհրաք Գոշի «Դատաստանագիրը Հայոցը», հոդ. 161, էջ 462:

<sup>39</sup> Նույն տեղում, հոդ. 135, էջ 451:

**առաջադեմին** պէտք է ընտրել՝ որպէս «զիսավոր և ավագ»: Այս դեպքում անարժանը զահերեցության չի ձգտի: Իսկ եթե բոլորը շնորհներով հավասար են, «...ավելի տարիքավորը դառնա զիսավոր»<sup>40</sup>:

**Եկեղեցու սէփականության իրավունքը, ունեցվածքի անձեռնությունը պաշտպանելիս Գոշը հիմնվում է Սուրբ Սահակի և Բարսեղ Կեսարացու կանոնների վրա՝ միաժամանակ տեղեկացնելով. «...[ըրանց] անհրաժեշտաբար որոշ օրենքների վճռներ ենք ավելացնում»<sup>41</sup>: Օրենքները պարունակում են և՝ բարոյական խրատներ, և՝ խիստ պատիժներ՝ եկեղեցուն ու հոգևորականներին պատկանող սէփականության նկատմամբ ոտնաձգությունների համար<sup>42</sup>: Վանքերը ենթակա չեն ժառանգորդման, քանզի կառուցվում են հոգևոր պահանջմունքների համար: Սահմանվում են եկեղեցու ունեցվածքի վաճառքի պայմանները. եկեղեցապատկան ունեցվածքը եալիսկոպոսի իրավասության ներքո է, ու եթե երեցները այն վաճառեն, ապա եալիսկոպոսն իրավունք ունի նոյն ունեցվածքը կամ դրա արժեքը պահանջել: Ուշագրավ է, որ Գոշը ընտրության հնարավորություն է տալիս եալիսկոպոսին՝ պատվիրելով. «...թող եալիսկոպոսը կշռադատի, թե ո՞րն է իրավացին և վայելուչը. եթե կարող է՝ թող վերցնի զինը կամ վերադարձնի»<sup>43</sup>:**

«Դատաստանագրքում» մեծ ուշագրություն է հաստկացվում **հոգևորականների կրթությանը**. «Վարդապետները պէտք է կրթված լինեն և՝ կանոնական, և՝ չին ու Նոր կտակարանների Օրենքներով»: Նրանք պարտավոր են «...հաշվետվություն տալ ստացած զիտությունների [վերաբերյալ], որպէսզի թերուսները, խարենությամբ կոչում ստանալով, «...տհասության պատճառով չարիքներ չգործեն»<sup>44</sup>: Օրինակ՝ եթե քահանան անձնական վրեժինդրությամբ քանադրի որևէ մեկին, «...հենց ինքն իրեն կդատապարտի, բայց գոշալուց հետո պարտավոր է եալիսկոպոսի խորհրդով ապաշխարել»<sup>45</sup>:

Օրենքետքը պատժում է որկրամոլ, հարբեցող, անկարգ, օրինախախտ քահանաներին՝ հրահանգելով նրանց զրկել քահանայական կարգից: Երկրային գայթակրությունների համար

<sup>40</sup> Տես՝ նոյն տեղում, հոդ. 4, էջ 400-402:

<sup>41</sup> Տես՝ նոյն տեղում, հոդ. 3, էջ 399:

<sup>42</sup> Տես Մխիթար Գոշի «Դատաստանագիրը Հայոցը», հոդ. 44, 75, 92, 142, 153:

<sup>43</sup> Նոյն տեղում, հոդ. 142, էջ 454:

<sup>44</sup> Տես՝ նոյն տեղում, հոդ. 4, էջ 400-402:

<sup>45</sup> Նոյն տեղում, հոդ. 5, էջ 403:

եպիսկոպոսները և պետք է կարգալույծ արվեն, քանզի «...ոչ ոք չի կարող երկու տիրոջ ծառայել»<sup>46</sup>: Ժողովրդին կողոպտելու, դրամաշորթության, շահասիրության, բռնությունների դեպքում հոգևորականներին դատում ու վճիռ է կայացնում **մեծ ժաղավը**, որ «...հափշտակողներին զրկեն արողից և քահանայական կարգից և լրիվ ազատեն պաշտոնավարելուց»<sup>47</sup>: Միաժամանակ, հիմնվելով առաքելական կանոնների վրա, Գոշը աստվածանարգների համար նախատեսված պատժին հավասար պատժաշափ է սահմանում հոգևորականներին անարգող աշխարհիկ անհատների համար<sup>48</sup>:

Այրախտով՝ Ս. Գոշի «Դատաստանագրքի» պետականական սահմանադրույթներով կանխատեսվում էին հայոց պետականության՝ ինքնիշխան թագավորության վերականգնում, ազգային ինքնակառավարման իրավունքի ամրագրում, միասնական համապետական օրենսդրության հաստատում: Ենելով կառավարման կենտրոնացման և տեղական մարմինների հարաբերական ապակենտրոնացման սկզբունքներից, օրենսգետը հստակ սահմանում է կենտրոնական և տեղական իշխանությունների իրավունքները՝ կենտրոնական պետական իշխանության գերակայությամբ: Իշխանության բաժանման նկարունքի հիման վրա՝ հստակ տարանջանվում են աշխարհիկ ու հոգևոր իշխանությունների իրավագործությունն ու գործառույթները: Եկեղեցական օրենքները կոչված էին ամրապնդել Հայ եկեղեցու իրավագործությունը, բարձրացնել նրա հեղինակությունն ու դերը երկրի կառավարման, հասարակության մեջ բարոյական սկզբունքների արմատավորման և ազգային միասնության հաստատման գործում:

## ԱՄՓՈՓՈՒՄ

Հոդվածում մեկնաբանվում է Միփթար Գոշի իրավաբարական տեսությունը: Մտածողը հիմնավորում է, որ յուրաքանչյուր ժողովրդ և պետություն պետք է ունենան սեփական օրենսդրությունն ու իրավական նորմերը, ընտրեն դատարան՝ «ըստ ժամանակի, ազգերի և աշխարհների»: Նա պաշտպանում է հայ ազգի ինքնակառավարման, կենտրոնացված թագավորական իշխանության, պետական շահերի գերակայության, զաղափարները: Քանի որ իշխանությունն ունի աստվածային ծագում, և

<sup>46</sup> Կոյն տեղում, հոդ. 48, էջ 418-419: Տես նաև՝ հոդ. 36, էջ 414-415:

<sup>47</sup> Տես՝ նոյն տեղում, հոդ. 138: Տես նաև՝ հոդ. 139, էջ 453, հոդ. 160, էջ 462:

<sup>48</sup> Տես՝ նոյն տեղում, հոդ. 37, էջ 415:

թագավորը կարգվում է Աստծոց, նա պետք է կառավարի աստվածային օրենքներով։ Հայ «Դատաստանագրքի» պետության գլուխը՝ թագավորը, օժնված է ինքնիշխանությամբ, ուստի՝ հարկատու չէ այլ ազգերի։ Ենելով իշխանության բաժանման սկզբունքից՝ Գոշն առանձնացնում է իշխանության երկու կառույց՝ պետական և եկեղեցական՝ տարանջատելով դրանց իրավագործությունն ու գործառույթները։ Երկու իշխանությունների փոխգործակցությունը Գոշը համարում է պետության կայունության հիմք։ Կենտրոնացված քարարական իշխանության կարևորագույն խնդիրներն են՝ համապետական իրավական համակարգի ձևափորումը, միասնական առևտրային ու հարկային համակարգի, ներքին ընդհանուր շուկայի ստեղծումը՝ հաղթահարելու առանձին գավառների տեղական անջատողականությունը։

Բանալի բառեր՝ Մխիթար Գոշ, «Հայոց Դատաստանագիրը», կենտրոնացված իշխանություն, ինքնիշխանություն, իշխանության բաժանման սկզբունք, միասնական իրավական համակարգ։

## АРГУМЕНТАЦИЯ ИСТОЧНИКА И ФОРМ ВЛАСТИ И ГОСУДАРСТВЕННОГО СУВЕРЕНИТЕТА В “АРМЯНСКОМ СУДЕБНИКЕ” МГИТАРА ГОША

Лилит Сарвазян

Кандидат философских наук, доцент  
старший научный сотрудник Института  
философии, социологии и права НАН РА.

### РЕЗЮМЕ

В статье интерпретируется политico-правовая теория Мхитара Гоша. Мыслитель обосновывает, что каждый народ и каждая страна должны иметь свое законодательство и правовые нормы, выбирать суд “согласно времени, и нации, и миру”. Он защищает идеи самоуправления и суверенитета армянской нации. Гош сторонник централизованной королевской власти, верховенства государственных интересов, что объясняет также божественным происхождением власти короля, который должен руководствоваться божественными законами. Согласно Судебнику, король обладает суверенной властью. Исходя из принципа разделения власти, Гош в политической структуре армянского государства

выделяет государственную и церковную формы власти, в то же время строго разграничивая сферу юрисдикции каждой из них. Взаимодействие обеих форм власти он рассматривает как фактор обеспечения устойчивости государственного устройства. Важнейшие функции центральной политической власти являются создание единой правовой, торговой и налоговой системы, общего внутреннего рынка.

**Ключевые слова:** Мхитар Гош, Армянский Судебник, централизованная власть, суверенитет, принцип разделения власти, единая правовая система.

## ARGUMENTATION OF GOVERNMENT SOURCE, FORMS AND STATE SOVEREIGNTY IN "ARMENIAN CODE OF LAWS" BY MKHITAR GOSH

Lilit Sarvazyan

*Candidate of Philosophical Sciences, Associate Professor  
Senior Researcher of the Institute of Philosophy,  
Sociology and Law of NAS RA*

### SUMMARY

The article reviews the legal-political theory of Mkhitar Gosh. The prominent thinker argues soundly that every nation and state should have their own legislature and legal norms, choose the court "according to time, nations and worlds". He defends the ideas of the Armenian nation's self-government, centralized royal power, supremacy of state interests. Since the government has divine origin, and the king is ordained by God, he must rule by divine laws. According to "Code of Laws" the head of the state, the king, is endowed with sovereignty, thus is not a taxpayer to other nations. Based on the principle of power separation Gosh divides two power structures - state and church - separating their jurisdiction and functions. According to Gosh the cooperation between the two governments is considered as a foundation for the state stability. The most important issues of the centralized political power are the formation of nationwide legal system, creation of united commercial and tax system and internal common market to overcome the local separatism of several provinces.

**Key words:** Mkhitar Gosh, "Armenian Code of Laws", centralized power, sovereignty, principle of power separation, united legal system.